

文竹閣詩鈔序

詩之作也。其原本於性情。而其用通於政事。故人足以肖其詩。而詩足以傳其人。許君赤城。以能詩名。歲丁巳。余視學楚南。明年按試至衡。適赤城爲清泉尹。其爲人。樞幅無華。聽其言。藹如也。非其得於天而遂於養者。性情有獨厚歟。及讀所著文竹閣詩鈔。清真雅淡。翛然拔俗。不以雕琢藻繪爲工。非其性情之誠篤。自然流露者歟。余愧不能詩。然竊嘗誦古人遺集。忠君愛國之忱。利物濟人之志。觸物興懷。無不於詩發之。而平生所至之處。政平訟簡。輒以時遊覽山水。形諸歌詠。千百載後。讀文竹閣詩

序

一

其詩。猶思其人不衰。今覩許君詩。庶幾得古作者之意矣。使充其所學。不惟見之於詩。而措之於事。於以撫恤閭閻。振興風化。俾楚人之愛慕而景仰者。與其詩並垂不朽。他日採風之使。臚其治蹟。登諸循吏。則赤城之卓然表見者。豈徒以詩傳哉。咸豐戊午八月望日。年愚弟胡瑞瀾拜識於星沙試院。

耳熟赤城大令詩名已久。未之見也。丙辰夏。聽鼓星沙。過從較密。雖進退酬酢。不暇論文。然察其性情誠篤。吐屬溫雅。固已心許其人。其詩之必相肖矣。今秋赤城出宰清泉。僕適權守斯郡。始得讀所爲文竹閣詩六卷。補

清奕奕。才大榮榮。五言得文選之精。七言入唐賢之室。或低徊以掩抑。或激壯而悲涼。而其格律謹嚴。復有節制。正始未墜。賴此扶輪。因念讀古人別集。自首至末。一代之興衰治亂。一時之風俗人心。以及作詩之人之行藏遭際。身世顯晦。友朋骨肉。生死契濶。無不瞭如指掌。上可以補史傳之闕遺。下可以備志乘之蒐討。而又言之有文。行而自遠。則不朽之業。具於是矣。僕二十年來。亦嘗參稽列朝之掌故。博訪時政之淳備。延攬當世之賢豪。商畧出處之大義。雖不能措之於事。猶竊願見之於詩。而集中所存之作。不盡爲意中所欲作之詩。卽或

文竹閣詩

序

二

體備比興。義兼諷諭。而援古證今。多牽率比拊之病。其去古作者。不可以道里計也。乙卯春。承乏淑江。不戒於火。舊作萊荷書屋詩鈔五卷。詩餘二卷。均爲觀融所收。是蓋造化愛我。故使藏拙。而又何足惜耶。所願赤城學力益茂。醞釀益深。他日所誥。當與兩當軒卷。苑閣諸大集。卓然並傳。豈不幸哉。咸豐丁巳八月。武進陸傳應拜識於有嘉樹軒。

余以己亥舉於鄉。同榜半多知名士。赤城其一也。赤城長於詩。余未暇深悉。今年予流寓星沙。赤城三載前捧檄宰是邦。因得與共晨夕。叙平生歡。赤城出所著文竹

閣詩鈔示余。攄寫懷抱。一秉性真。寄託而不病於曠。議論而不流於僻。至其感物懷人。徘徊纏綿。具見溫柔敦厚之遺。其殆得詩教之深耶。抑赤城所天者厚。故自發於語言文字。流露而無窮耶。赤城處宦境已歷年。而書味盎然。愉愉猶儒者素。世俗所誇輿蓋裘馬之習。泥絮不黏。公暇手不釋卷。有得輒嘔吟不輟。設有泥宦態以求之者。必如好瑟鼓琴。鑿枘不入。得母以詩爲赤城累。然使赤城能充其詩之量。將他日致君報國。利物愛民。一切經濟。悉見諸詩。直與白香山蘇長公比。烈。赤城以詩見。赤城又豈僅以詩見耶。余愧不能文。更不能詩。偶

文竹閣詩

序

三

有所作。皆遺棄不甚愛惜。及之官皖水。從事戎行。所孜孜得於閱歷者。不下數百篇。偶命書者記之。數遭顛厄。散佚不完。今春遇寇鉛山。全家幾羅虎口。身外之物。蕩然無存。卽藏書古帙。及生平心跡所著。悉殘毀於牛溲馬渤中。殆亦無足輕重。故使之胥歸浩劫耶。余觀赤城詩喜且慨。故並誌之。咸豐丁巳新秋之夕。年愚弟張家駒謹識於星沙旅次。

文竹閣許君赤城家塾也。初無是名。其兄東園夢刻文竹閣詩鈔始名之。余考淇澳一詩。以箴竹興君子竹之斐然稱文也。固宜。至論其所以文。則曰如切如磋。如琢

如磨。殆謂虛心受益。始能切磋琢磨以成其文歟。是師友之事也。其說可通於治詩。而赤城得其道焉。夫物之孤立者。難期有成。非聰明不逮。所資者寡也。赤城學詩以來。有諸兄爲之先導。又得明師益友相與講明。邑侯黃壺舟先生。知遇最厚。模範其詩者也。周芥舟獻臣。蓮農相契最深。麗澤其詩者也。每當花晨月夕。集諸詩人。唱和於文竹閣中。落韻鏗然。如簞箒臨窗。戛擊作碎玉聲。情甚適也。而切磋琢磨。益在其中矣。嗚呼。當東園說夢時。安知閣中文采風流。如今日之盛哉。幸而得之。亦可謂驕壇盛事也。雖然。人生聚散。亦復何常。赤城自領

文竹閣詩

序

四

鄉薦。走京師。師友合少。離多。求如向日之聚首。了不可得。癸丑夏。自都旋里。與余同阻共城。適獻臣宰是邑。又得復合。當斯時也。舊雨一窗。鄉雲千里。楓紅波綠。皆足以觸離緒而發幽吟。又時與獻臣攜酒瓢。揮麈尾。坐百泉白露園中。吮墨濡毫。消遣世慮。宛然昔年文竹閣中。切磋琢磨時也。數月之間。赤城詩稿益富。合生平所作。訂成數卷。卽以夢中之名名之。嗚呼。東園說夢。數十年矣。而赤城詩集。適成於淇泉繁竹間。與文竹相符。并與淇澳之地亦合。其相遇之巧。豈無因歟。是集也。余嘗反復讀之。抽思綺麗。如修篁澗露。香翠欲流。言情排側。如

翠影搖風。幽懷如詠竹也。詩也。不皆無愧於文歟。則詩鈔之繫以文竹。有由然矣。余故以是序赤城之詩。且兼述東園之夢。時咸豐甲寅暮春月。同里弟張炳文序於其城之百泉書院。

夫以文字之有緣也。因緣之說。不見於儒書。獨爲佛家所重。而詩人瑤裳綺襪。亦往往於緣之所結。積而爲詩。余與赤城之緣深矣。赤城長余數歲。憶余弱冠。受業於邑侯黃壺舟師。赤城卽壺舟師所取士。時遂耳其詩名。丁酉角試潯陽。屢見其揮灑淋漓。益加心折。是歲余受知於學使許慎生師。赤城亦以詩古拔轍。此非天假之文竹關詩。

序

五

緣。安能師門同出一轍也。厥後南船北馬。彼此分馳。落月屋梁。想望顏色。自分與赤城此生緣淺矣。甲辰春。計偕北上。聚首都門。秋間移飭潞河。借半榻僧房。酬唱殆無虛日。除夕酒酣。仿賈浪仙祭詩故事。擊壺扣缶。達旦高歌。覺我兩人湖海豪情。其緣之結而爲詩者。此樂正復何極。未幾余幸中州。風塵執掌。筆墨荒蕪。回憶往時賄韻闍題。已不可復得。是天之使我無緣於詩。並有緣於詩之人。亦散而不聚。適癸丑夏。赤城自都旋里。道阻其城。余挽留者久之。公餘政暇。促膝談心。雨夕風晨。間相唱和。或卽天之巧於作合。所以補平生未了之緣乎。

况誼本金蘭。又復聯以姻婭。則緣之由淺而深者。固在詩而不獨在詩也。至赤城之詩。以清雅爲宗。直窺古人奧窔。昔洪稚存評黃仲則詩。珠光七分。劍氣三分。余向持此語轉贈。自謂頗中肯綮。集中共得詩若干首。有目共賞。不必余之贅言。諒亦不至以余爲阿好云爾。咸豐甲寅莫春既望。姻愚弟周劼序於共城官廨。

題詞用韓昌黎登合江亭韻

先生學淵博。逢源宜右左。玉椀與冰壺。瑩澈不容唾。常  
得山水資。亦假風騷佐。如登百寶船。所居真竒貨。鸚薦  
來京都。頻邀高軒過。亦偕王盧行。能令元白挫。紅牙人  
共賡。白雪誰同和。江右自多才。如公有幾個。宦遊衡湘  
間。山行歷坎坳。鳴琴不下堂。怡然宗炳臥。偶爾招生徒。  
風雅最清課。育士豈無人。掄才知有那。立學既既愚。樹  
聲還起懦。得耀日星爭。聞名金石播。積學士無貧。憤志  
人忘餓。羨公能得士。載酒爲公賀。論文別謗陋。誦詩醒  
庸惰。幸我與樽酒。春風吹滿座。側席就正餘。有疑析必  
交。竹閣詩題詞

破。曾讀丁卯編。絕無纖塵染。

戊午初冬齋崖黎定源稿

昔歲場飄趨大江。小孤山翠浮船窗。搖舡欲向江州住。  
白傅唵魂杳何處。琵琶清淚落千秋。湓浦寒潮自來去。  
今年秋空日色薄。冷宦閒尋客遊樂。合江亭迥雁峯高。  
詩成誰繼昌黎作。許侯相揖喜相見。氣吐千將露鋒鏑。  
君家彭澤對匡廬。我家長沙近衡嶽。匡廬衡嶽隔千里。  
望眼蒼茫衣帶水。那知世事歎浮雲。鼙鼓聲聲動地起。  
將軍含笑說登壇。鄱湖血染康山紫。空傳三戶羽書息。  
不道章江劫灰死。爾我辭家累一官。中年休訝髩毛斑。

風流邑宰方持笏落拓儒官等抱關把君詩句逢人說  
咳唾九天飛玉屑古今才子例浮湘擊体高歌肝膽熱  
江上蘼蕪悲美人願採幽香比孤潔傷亂何如杜甫貧  
江湖滿地是妖氛好將風雅傳忠愛痛哭千篇不忍聞  
丁巳秋日張敬鵬蔗泉氏脫稿

丙辰立秋日安州徐嘉瑞初脫稿

幽篁香翠襲吟襟詩境塵無半點侵百里恩波沾雁戶  
文竹閣詩

題詞

二

千秋聲價重雞林破風籬畔新粉詠月庭前戀碎陰  
怪底推敲增子細原來師竹早虛心

石年弟俞鳳翰題

靈槎憶共斗邊回早識詩末境獨開種竹閒憑清影寫  
惜花長抱冷香裁放懷皖洛豪題柱得意湖山健舉杯  
怪底晴霞頻照眼天台曾踏碎紅來

劍氣珠光不等閒汝南移贈妙相關心游雲水空明際  
品在儲王逸宕間花萼久推君競爽松陰猶待我還山  
他時乞取驚人句丁卯橋尋第幾灣

年愚弟但紳提齋拜稿

逐隊京華日似梭，久拋舊業廢觀摩。官場老我詩情減，  
吟社輸君逸興多。彭澤氣凌浮綠蠹，小孤秀擷奪青螺。  
衡陽此去隨南雁，且聽花封擊壤歌。

年愚弟李道生晴川甫稿

高閣耽吟鎮日忙，聽饒新韻雜風篁。池塘草映花生管，  
寶劍函開鏑拂霜。漫笑上書勞季子，何緣識曲有周郎。

明府與令親周獻臣唱和甚夥

年來詩思清如水，又吸清泉浣繡腸。

胸懷落落態翩翩，拄腹知儲卷五千。雅調詎投流俗好，  
高歌欲共古人傳。溪山圖畫王摩詰，風月婆娑孟浩然。  
安得衡陽題寄我，一行新雁盼秋天。

文竹閣詩

題詞

笙樓弟傳安宗拜題

彭蠡波濤廬阜烟，幾番落筆到尊前。江山雅足供吟興，  
知否宣平是謫仙。

頻年人海嘆驅馳，送別依依柳一枝。楚水燕臺數千里，  
錦囊到處總投詩。

五色天台綺散霞，深宵湘管艷生花。吟餘逸韻棘何處，  
丁卯橋邊賣酒家。年愚弟

如此雄才豈抱關，排雲有路好追攀。他時鳧鳥凌風去，  
直度熊湘雁嶽間。

昭潭王濟蓮舟氏拜題

我慕唐仲晦丹陽耀簪組刺史著能聲丁卯集眾詡又  
稽宋冲元泊平資諫輔文塢王沂公歐陽心輒許文學  
政事兼芳躅緬前古卓哉明府賢高風能繼武家世佳  
龍城蠡湖接滄浦風助馬當山由來人材藪論公學力  
唯赤手能擒虎一舉不得第拔劍欲起舞鳧舄承陽飛  
小用材亦鉅側耳聽與人頌聲溢衡土德化熒韓陳循  
良兼名杜雀鹿瑞思吳駟駟音傳魯桃李喜門栽參苓  
教籠貯偶登翰墨場便作風騷主綺語詠雪車錦句唵  
冰柱繁許摯虞刪篇任束督補兼工五朶雲直勝百鈞  
弩掣械爭少年持扇驚老姥使君何多能才藝超鮑五  
文竹閣詩

題詞

四

妙墨羨淵雲士林爭步屐齷生慚腐儒苜蓿餐何苦青  
蒙籍眼垂恣譚快揮塵北海屢開筵水署偕星聚厨愛  
香飫郇蔬笑貧撥庾脯旣感鱗分文復驚鳳吐示我琳  
瑯篇價倍雞林賈三復口沫流堪令頭風愈乃知束本  
儒不與俗爲伍樂天琴眠床覲之簾垂戶事每思鑄金  
繡欲買絲縷咿啞獻村謳吟罷驚風雨

劉陽李芸香洲脫稿

爪蹟他鄉幻情悰故里真由來扮梓契况附葛蘿親宦  
接舟同侶文交筆有神心源彭蠡共眼界洞庭新在昔  
安鴻定多年梗鹿馴普天齊幘覆大地樂陶鈞浩浩三

文竹閣詩鈔卷一

彭澤 許 標赤城

雜詠

長安俠年少。意氣何熊熊。自顧爲黃鵠。高翥待長風。一事弗稱意。憂心殊忡忡。一語弗投機。盛怒莫能容。恃才兼傲物。履險終途窮。曷若含和氣。厚福滋冲融。能忍袴下辱。後受淮陰封。履進圯橋上。書授黃石公。少安且毋躁。是古大英雄。

辯士矜口給。肆意妄譏訶。由斯招嫉忌。亦復覺隙生。豈知才貴斂。無輕與人爭。韓范議西事。不合拂衣行。魏公文竹閣詩。卷一

徐握手。希文意氣平。從知激言廢。不若婉言成。僚友當如此。骨肉同斯情。

李白耽詩酒。矯矯神仙儔。胡然肯低首。願見韓荆州。昌黎力闢佛。崇文振儒修。如何揖宰相。修書且三投。抱璞貴自信。待價無須求。況非經世才。自獻更貽羞。嗚彼趨炎者。竊欲託名流。

士人有抱負。學問資經濟。處則爲醇儒。出則爲循吏。細讀有字書。須識無字理。倘使見一偏。執拘伊胡底。堅僻若性成。復爲奸邪蔽。貽害及蒼生。新法逞才智。所以王荆公。千秋猶訾議。

淵明盍歸去。數世爲晉臣。託言懶折腰。終殊石隱倫。少陵際亂世。沈痛寫天真。深得風人旨。不負苦吟身。一則樂天命。一則懷君親。情詞俱悱惻。忠孝見精神。奈何千載後。僅目以詩人。

丈夫勵清操。平居志淡泊。一旦倒狂瀾。中流難立腳。漢有揚子雲。校書天祿閣。太元擬周易。居然聖賢託。後爲莽大夫。自待何菲薄。素練污泥中。令人常惋愕。世事如奕棋。輸贏爭一著。結局倘未完。滿盤便皆錯。

人生貴聞道。修短聽蒼穹。咄哉王侯侶。晚歲慕仙風。茹素深宮裏。採藥大海東。難覓蓬萊路。又造甘泉宮。長生果有訣。赤松吾亦從。所嗟黃白術。多半屬虛空。十洲三島外。何處尋仙蹤。

雪羅漢十四韻

文竹閣詩卷一

二

法界光明現。祥雲點綴新。天公搏玉手。佛國換金身。人世曾離垢。超凡盡洗塵。松間呈色相。竹外見精神。印月參懸鏡。拈花悟轉輪。披衣宜鶴警。駐鳥躡龍鱗。白眼看原慧。冬心冷不春。通靈堪證果。反璞卽皈真。淨域頻飛錫。瑤臺合是銀。坦懷開覺路。微笑渡迷津。有象雙清寫。無瑕四照陳。聲香俱已寂。拜謁是誰親。六出摹慈像。三空晤化人。此緣終解脫。何處問前因。

雙橋

既不能高車駟馬壯馳驅昂然七尺慚丈夫又不能長  
跪雍容進雙屨圯下伊誰授竹素徒望堤前長短橋  
頭柳絮飛春潮滿湖風色眼看飽每逢揖別魂逾銷雙  
雙橫亘分大小霜痕雨跡供詩料編詩我少仲晦才竊  
欲斯橋號丁卯

送家兄丹林北運

一望輕波綠漲肥江頭楊柳自依依行踪好似隨陽雁  
三月春深向北飛

社日

文竹閣詩

卷一

三

家釀盈缸酒味醇招邀里老引杯頻今朝是燕歸來日  
檢點雕梁作主人

同方丈月賓湖上晚眺

徐行瞻暮景一路聽漁歌淼水連天遠輕帆到客多夕  
陽銜遠岫明月湧清波相對忘言久歸途意若何

遊馬祖山

深樹雲藏曲徑幽孤亭界破楚天秋池蓮綻白遺仙蹟  
野竹搖青護佛樓境僻但聞人語響巖空時見石泉流  
相思結屋禪林外遠望盧峰獨掉頭

懷周雙峩

雄才健筆鼎能扛，塵戰年年管榻雙。直向騷壇樹一幟，  
許多詞客望風降。

懷周芥舟

傲骨凌嶒懶更狂，編詩自號小均堂。行踪不定隨飄泊，  
客歲移家到馬當。

懷黃壺舟師三首

人事升沈未可知，天高物理費推思。閒吟樂府翻新曲，  
細度金針示舊詩。寸草難忘沾化雨，三春欲報誤歸期。  
前由省歸浙未致芹獻幾回悵望西樓月，迢遞雲山感別離。

文行閣詩卷一

四

潯水公方溯上游，有酒未能澆醜論。詩權作小淹留，  
辛卯鄉試歸里公自彭赴省阻風姑塘留飲舟中並出示歐圍秋吟只緣師弟關心甚，翻  
怕風迴又掉舟。

官拋末路更崎嶇，去去來來伴侶孤。事不明心增感慨，  
力難措手枉躊躇。翻教宦境成冤海，可歎名場是畏途。  
自古奇才多偃蹇，命纏磨蝎說髯蘇。

次周蓮農移居書懷原韻

別後經年事未知，移居遞到一函詩。燕因秋至辭巢早，  
鶯爲春寒出谷遲。名教自饒真樂地，鳳皇原住最高枝。  
賢隣須記從前苦，廣廈重重要護持。

君才十倍足超倫，腹笥便便莫嘆貧。到底文章能奪命，何妨門戶暫依人。堤邊柳色舒殘臘，驛外梅花報早春。滿眼韶光隨處好，東風莫負苦吟身。

覓得山城逸興賒，依然停館護烟霞。好留生意窻餘草，別具香心筆吐花。北海把杯還看劍，志和有宅漫浮家。襟懷素說寬如海，一寸靈源擬泛槎。

休云生計未全謀，尙有良田一硯留。賣賦幾人非碩士，工愁從古屬名流。當頭皓月前身現，得意芳鄰隔世修。況近文壇誇五鳳，謂雙墩昆季與君同造幾重樓。

雲樹原非百里天，如何把晤久無緣。風清每覺思元度，

文竹閣詩

卷一

五

貨殖無端效史遷

項按來札近將學司馬公編貨殖傳云云

說士口甘勝食

肉吟詩舌慧亦生蓮，會須驕走長安馬。指顧馳驅付一

鞭

夜坐偕劉煦山親家東園丹林諸兄觀陸放翁趙

雲崧兩先生詩集

夜氣淒清酒興酣，開函合詠齒回甘。高吟我正懷甌北，好句君還愛劍南。未許蘇黃推第一，欣逢袁蔣恰成三。詩人各自攄靈性，滿幅珠璣好共探。

燭花

檀奴捧出綻金蓮，不待春開色更妍。夜雨西窗同眺賞，

芳心寸草最纏綿

次項馭卿雜感原韻

潦倒心情百不支，高燒紅燭酌椒卮。  
放懷每欲將天問，避客無名託疾辭。  
老圃梅開香冷落，新詩槭到錦紛披。  
浣薇字字須珍重，糧餽貧家爲拯飢。

八海波瀾觸目看，嘗來世味識鹹酸。  
山高自有青雲護，花好偏招粉蝶攢。  
菱鏡空懸憐影瘦，貂裘乍脫怯春寒。  
日長寂處渾無賴，除卻翻書適意難。

新開廬舍別成家，逸事閒分陸羽襟。  
有俗求醫聊種竹，無人對酒且看花。  
琴彈那得調絃熟，奕罷方知著子差。

文竹閣詩卷一

六

世事浮沈隨遇合，一篇齊物愛南華。

逢場可樂便高歌，莫到他時嘆鬢皤。  
得意事於同輩少，讀書愁替古人多。  
塵纓未淨教重濯，寶鏡微昏待復磨。  
何處香浮時撲鼻，黃橙摘取手中搓。

閒將風景試平章，不管人情熱與涼。  
郭外有山皆入畫，門前曲水可流觴。  
弟兄聚處眉慚白，歲月催人髮易黃。  
問富別無餘物數，曹家贏得一書倉。

落落情懷更激昂，辛餐椒桂辣煎薑。  
一長足錄皆爲道，故態難除總是狂。  
休說餓蠶慵作繭，深知殘菊足經霜。  
彩雲班自聯卿月，出岫遲遲回不妨。

紅藥詞

盆中手植芍藥二十餘年花未曾開今夏忽起  
重臺綽約多姿因題四絕句以紀其事

二十年前手自栽春歸從未毀春開今朝天女多情甚  
取次濃粧帶笑來

聲聲鶗鴂惜春殘開老春光興未闌可是花神憐寂寞  
故教艷景簇團團

會知花好不輕開炫爛都從灌溉來若使園丁輕委棄  
誤他仙子下瑤臺

獨抱芳心弄曉晴不隨百卉競敷榮美人遲暮休長嘆

文竹閣詩

卷一

七

知是天心重晚成

餞秋次汪叵渠殿撰原韻

叢葭白露漸成霜月轉西樓照屋梁旅客思歸千里夢  
離筵惜別九迴腸飄零始覺風光冷搖落方知世態涼  
不識誰家吹玉笛驪歌一曲協宮商

輕裝檢點歷關津渺渺浮萍笑此身難遣離愁狂對酒  
每懷佳日勝於春荒城返照寒鴉影古道紛飛去馬塵  
何處銷魂清夜永西堂蟋蟀語傷神

驛路迢迢望眼賒忍將面目撲風沙輕寒塞北驚歸雁  
黃葉江南泛客槎馥襲蘭汀應結佩人懷菊圃正簪花

依依賦別河橋外。賸有吟情浣落霞。  
旗亭幾日費相思。挽住行旌折柳枝。蓬道此番牽別緒。  
西風隔歲訂歸期。榮枯過眼憑誰訴。冷暖年來只自知。  
計到家山春有信。梅花寄我未應遲。

小病偶感

冒寒偃蹇臥牀褥。一時萬慮紫心腹。有琴七絃不能彈。  
有書萬帙不能讀。百恨填膺真窮途。淒然欲效阮生哭。  
知己來慰問。欲向君平卜。又恐神爲殃。勸令召巫祝。余  
笑不答心俱非。無益之舉徒逐逐。不開藥鼎開茶鑪。春  
風賚茗團花簇。痛飲七椀齒回甘。滌盡胸中塵萬斛。平  
文竹閣詩卷一

八

安信報舉家歡。枯腸投效何其速。從今不辨藥君臣。終  
身願祀茶神陸。

黃壺舟師出塞時。世兄用葦於北蘭寺舟次失水。

感懷卻寄

萬里孤身冒瘴烟。蒼蒼鬢髮雪盈顛。何堪下考爲羈客。  
又奪嬌兒作水仙。慘墮淚珠天莫問。波揚宦海恨難填。  
名流每說才華好。占得才全歷劫偏。

曾爲蘭蓀痛拊膺。桂枝又折感頻仍。天公竟似無情佛。

此老真成有髮僧。

公有漏神仙  
有髮僧私印

長劍短衣悲出塞。酒

瓢詩版壯行滕。賜環且謾言歸計。望子思鄉雨不勝。

和黃壺舟師伊行留別原韻

鉅野風沙老大材，虬髯欲撼總浮埃。名流從古多逢劫，天意如斯倍愛才。嚙雪身爲蘇屬國，著書人是呂東萊。行行況復聯花萼，令弟琴好向天山對舉杯。樵偕行

萬里關河兩寓公，匆匆浪跡嘆飄蓬。劇遭鬼伯摧天驥，又感家人賦草蟲。險道崎嶇驚走鹿，鄉心綿緲觸飛鴻。功名漢壘秦關外，誰說班超骨相窮。

鬚鬢飄飄雪霜驅，車策馬仗干將公。猶老興能行遠，我更何人證坐忘。化雨從教流雁塞，春風還望入鱸堂。但虞久別歸來晚，帳裏彭宣舊學荒。

文竹閣詩卷一

九

山川縱目聳吟肩，好句奔來快應弦。人事蒼茫同夢幻，心胸曠達徹中邊。瀟風晦雨憑雙屨，積雪江雲各一天。見說南華成枕秘，養生牢把牧羊鞭。

壺舟師原作

五載成名豎子材，十年宦海逐浮埃。命途自是逢多劫，盛世何嘗棄不才。幻境樓臺憑蜃蛤，故山風雨長蒿萊。桑弧蓬矢男兒事，壯志猶餘馬上杯。

黑頭無分作三公，老去翻飄絕塞蓬。游刃幾年平雀鼠，翦燈半世註魚蟲。夢華難問墮中鹿，爪印虛留雪後鴻。賴有故人爭慷慨，錢刀投篋慰途窮。

淚盡西河兩鬢霜浮家東去渺雲將鄉音懶寄防生  
感書篋重攜怕健忘漢壘五屯瞻隱隱秦關千里走  
一堂堂差欣行役借予季姜被吟聲滿大荒  
生非火色與鳶肩也向穹廬學控弦吾道崎嶇原有  
數聖朝疆域總無邊荷戈猶歷功名地倚劍如臨咫  
尺天馬角刀環羣屬望待循祖述著先鞭

壺舟師行抵黃梅復返九江待琴樵先生偕行余

買舟送之臨行賦詩卽以誌別

兼旬兩度住潯陽百里舟迴自楚黃曾是塞翁驚失馬  
不須歧路歎亡羊雲停湓浦趨兩丈月照關山付錦囊

文竹閣詩

卷

十

料得他年重返旆集成花萼壓歸裝

舟泊馬當

馬當山色鬱青青爲怯風高槩乍停有訪未曾逢舊雨  
謂周芥舟無才不敢問山靈聲來水面波相激酒飲江頭醉  
未醒好是鄰舟吹短笛夢迴一曲正堪聽

桂花

西風連夜透銀缸綠暗紅稀葉落江惟有天香吹不散

一輪明月貯書窗

亭亭仙骨軼凡材移自姮娥窟裏來覓得滿園金粟影

此身如住小天台

夢迴酒醒領竒芬惹我秋心問夙因如此清宵如此景  
小山端的不留人

悼筆

我不能亦手覓封萬里。候浩然長歎將筆投。尙期雲烟  
著繭紙。鎮日專事毛錐子。何物田鼠竄我屋。齒牙尖利  
筆成禿。撫管不禁神爲驚。幾如龜玉毀於楨。異哉此時  
正登穀。玉粒飽餐足果腹。盤中且有剩菹羹。嗜之詎禁  
往來復。胡爲跳躑踞筆牀。挫我管城子鋒芒。竟同噬臍  
與盜梁。真受無妄之灾殃。况乎此穎爾鬢髮。顧瞻同類  
宜勿忌。恣意亦自相摧殘。推原此心殊乖戾。倫若任其  
文竹閣詩卷一  
十一

倩狸奴

食鱉

物生原不忍摧殘。貪餌無端上釣竿。正是橙黃逢九月  
酒邊風味試尖團

九日漫興

誰向花前對舉杯。滿園秋菊正初開。風光絕似陶彭澤  
可有高人送酒來

當年都尉困閒居。屬國會傳一紙書。我有故人羈海上

何時尺素寄雙魚

接表兄方雨人書

與君離別久信忽遞飛鴻重義情詞摯關心勸戒工逼  
真儒者語大有古人風近日聯聲氣心誰與面同

輓爾謙叔

託命長鑱老此身深山寂處葛懷民羣欽傲骨寒如鐵  
獨抱秋心冷不春本爲無田思種秫莫嘲移宅慣依人  
浮生底事勞勞甚一覺黃梁子夙因

題項馭卿同遊鳴山詩草

危巖占刹倚松楸廿載鴻泥跡尚留

辛巳借頤梧軒家兄東園連城同訪

雪披和尙夢裏至今縈石壁閒中誰復到雲樓騷人放眼空

卷一

十二

三島勝友提壺起九秋暢飲黃封清興發一聲長嘯最  
高頭

譜出黃鐘大呂音敲金戛玉一齊鳴烟霞隱結三生契  
風雨徐來四座驚自是文心工幻境從今喬嶽益知名  
登臨愧未同攜手久別雲山負舊盟

題徐芸門先生潯陽尙友圖

湖上匡廬露俊骨千峯萬峯都哭兀森森五老更清竒  
白雲半綰青絲髮雨沐風梳渾無塵碧霄高聳螺黛澗  
浩氣凌空不肯降惟解朝天排石笏千仞峯頭起振衣  
蒼顏鶴立瑤京闕仰視蒼顏氣象間年年坐對湖心月

樂山仁者昔有人五柳先生古性情彭澤歸來棲栗里  
詩酒生涯氣味馨西山片石北海波石介波清一晉臣  
惜哉世無顧虎頭先賢古貌杳難求幸有琴川好奇者  
吹毫細爲陶公寫毫端寫出晉臣心孤竹光風被九野  
峯繞谿環一草堂白公遺像煥雲房當年諫草入臺省  
直臣從此謫潯陽愁眉莫爲在人結竒山竒水滿詩囊  
探竒直探匡君屋好句剖破天地璞畫玉亦是個中人  
繪得香山圖一幅陶公白公俱絕倫千載風流有誰續  
懿惟芸門老夫子心香一瓣春山芷文翰昔會獻

紫宸金馬門中絢霞綺如何皎皎少微星惟照南江九

文竹閣詩

卷一

十三

派裏自從絳帳設潯城藝苑文風一變矣曳紫拖青疑  
等閒輕薄浮雲歿復起惟愛匡山有高賢遙遙相訂拍  
花肩朝采陶令菊暮種白傅蓮蓮蓮采菊石嵐前開中  
笑倩丹青筆添得座中一講仙

題黃潔泉行樂圖

骨格清癯本自然科頭拄笏翠微邊一雙珠履紅如火  
掩映秋花老少年

酒侶詩儔意氣濃清風自昔滌塵胸暮年勁節依稀在  
現出前身笑倚松

得秋聞捷音

忽聞傳吉語頓覺展愁眉微雨初晴候荒園綻菊時成  
名須及早撫鬢卻嫌遲輾轉傷前事難禁淚暗垂  
記得趨庭日經傳五夜燈鍾情殊覺厚如願究何曾一  
片雲空望終天感不勝者番差足喜因喜戚偏增

遠憶天台叟

謂黃壺舟師

文章結契深春風頻拂面秋月倩

關心一自雲山渺空教感慨吟雙魚無處寄何以慰知

音天香黃輿快登太極登景景目行苑人器五世除籍

溪山庚子偕高樹人入都

言尋霄漢路自覺別離輕祖餞三杯酒

時歐陽鏡松扁如丈餞別

舟萬里情波光流滾滾草色綠盈盈莫謾愁風雨聯牀

文竹閣詩

卷一

十四

證舊盟

舟泊馬當訪周芥舟

冢山方咫尺壯心已千里飽颺十幅帆夕照半江水仰

首天昏黃喚舟傍夾艤登岸載月行故人居在此剝啄

叩柴門蹠躩蹙然喜歡呼上客來煎燭對酒醅菜根味

復長山殺多且旨綢繆一夕間相望拖朱紫我初出深

山君尚隱塵市窮達自有時何日臥龍起

金陵

艤棹江城起暮潮秦淮河上雨初消烟花冷落無歌鼓

金粉誰人間六朝吳越豈憐雨

秦淮

武定橋邊廿四樓蕭蕭疎柳白門秋可憐舊院三更月  
猶照河房一葉舟

滇生師招飲

三載江城塵誨親師承况是一家人源同浙水分清派

夢醒天台悟夙因

師籍隸錢塘余先世亦家天台甯海

許傍門牆曾入座

自栽桃李又生春何當倒屣迎相笑更列鯖盤視上賓

偕雷竹虛同年出彰儀門經九江義塚感賦

春陰黯淡正清明勾起鄉思挈伴行車乘薄笨出城闈

輿人道是小井村村旁隙地三畝園舊塚纍纍銷客魂

文竹閣詩

卷一

十五

殘碑字跡迷苔痕摩崖讀罷逾傷神墳頭草宿盡如焚  
不堪鋤雨更犁雲滿目淒涼淚沾襟至囑園丁厚意存  
一坏黃土亦君恩無令泉下人銜冤

遊歐陽六寄孝廉樹抱石齋次袁石可明府原韻

因樹曾爲屋依巖更拓齋斯人歸隱早此地讀書佳石  
穴雲生壁槐陰綠上街牙籤爭插架五色費編排

樓臺雖近市仍著薜蘿遮世外烟霞地山中宰相家只

期居有竹休歎出無車晝靜扉常閉身閑樂靡涯

文心憑結撰曲折愛迴題曲青排闥清宵月過牆林

泉無俗態金石有餘香

帆送馬當

貧家無長物留客坐青氍許入花中社如臨洞裏云  
雲身偶寄臥綠夢初圓一座春風拂煎茶菟石泉  
天留娛老境中隱近城皋蠡水窺難測孤峯仰更高優  
游攜酒侶嘯咏盡仙曹且喜茲山到新詩敢和陶

秋日出遊得絕句五首

楊柳蕭疎繞郭門斜陽一抹晚烟痕西風搖落梧桐老  
彷彿江南黃葉村

瀟瀟微雨過城頭草綠苔深濕未收玉砌花寒香夢醒  
海棠猶占一分秋

相隨蛺蝶穿花叢小立花間聽草蟲好是瓜棚豆架外  
文竹閣詩卷一

一枝艷羨雁來紅

繁林棗熟正紅稠幾樹明霞燦石榴莫道春華少秋實  
黃橙遙映櫺千頭

雲烟漠漠樹蒼蒼遙湖伊人水一方幾處漁村月未上  
星星燂火碧波涼

東阿道中

石徑鬱嵯峨驅車不易過出山應有路輪鐵半消磨

贈陳文圃同年

論詩兼對酒灑落見高情客況無賓主天涯有弟兄相  
知惟寸地話契悟三生意氣重然諾黃金一笑輕

過獻縣三節橋

乾坤留正氣巾幗出英雄伏劍心同赤淩波血染紅千  
秋餘斷碣萬古亘長虹憑弔人何在泠泠聽晚風

過石門謁仲夫子廟

一宿尋常事千秋道貌尊山川異今古

石門在春秋本  
屬齊地至戰國

七雄紛爭地  
始屬於魯

冠劍壯乾坤我亦停驂客行藏孰與論律

徊思往事知己是晨門

過雄縣經文山弔古處

正氣彌天地忠肝貫古今馳驅過此地感慨發長吟蒼  
壁塵埋暗殘碑草掩深瑤琴抱何處竹韻尙蕭森

丈竹閣詩

卷一

十七

李陽守風次彭志齋原韻

踪跡頻年類轉蓬那堪歸去滯途中野蘆亂蕪三更雨  
孤棹斜欹一枕風鄉夢纏綿醒獨早秋聲蕭瑟感原同  
明朝挂之西江去沿路看山過皖公

中

走通天

叔邱流光瞥眼又中秋斜風拂檻頻添冷

淼水平

未收到處聞鴻哀澤國幾人望月上江樓

浮生失

沈醉消盡胸中萬斛愁

摘

曾插瓶口占

名花原言

持況是秋圓白玉枝莫笑含苞偏早折

分香須趁未開時

秋蚊

秋蚊當日酉與人相左右只聞聲成雷那見山能負貪  
婪極無厭團扇驅不走紛紛聚帳幃徐徐刺肘後痛癢  
本相關人誰不疾首反掌見血痕諦視形俱朽身體與  
髮膚受之自父母緬彼宵小徒胡然逞毒口卽此伏禍  
穢無怪下毒手

舟夜

半鈞月在水兩岸風無聲一櫂從容放中流自在行

紀夢

文竹閣詩

卷一

十一

清宵一夢又還家水郭林塘日映斜行到書齋香撲鼻  
滿園黃菊正開花

闔家驚喜遠人歸爲煮黃梁話夕暉到處江鄉風味好  
酒邊新試蟹初肥

聞雁

一聲叫天半驚心旅雁回離懷多感觸爲爾是南來

題孟襄陽踏雪尋梅圖

歸臥終南山擬託烟霞老風雪滿天涯尋春胡太早想  
具歲寒心孤芳爭獨抱

鸚鵡

啄餘紅豆夢初醒巧舌翻新字字清能使主人深屬愛  
誤他卻恐是聰明

拘繫樊籠不自由能言畢竟惹多愁何如緘口安鳩拙  
飲啄山頭並隴頭

鳴梟歎

有鳥性最惡毀室頻肆虐厲疾同鷹鷂爲叢時毆爵一  
枝棲未穩進退還自若況復聞鵙音中宵夢忽噩鞠育  
恩最深宜返舊林壑乃竟忘其本遷延待圖度弗效杜  
鵑啼偏鼓鶯簧樂賦質何冥頑天性真涼薄木不培其  
根枝葉定零落水不養其源轍跡立見涸吾惡鷗梟心  
文竹閣詩卷一

吾深爲惋愕

慈烏行

雙雙白頸烏巢在三株樹一朝忽卵生覆翼善調護毛  
羽漸長成飢渴爲兒懼養羞備不虞多方時眷顧幾日  
兒高飛母在巢中住張口笑呀呀飲啄待兒哺兒含紅  
豆粒遺母如嬰孺飢腸母未充繞樹呼如訴嗟嗟禽至  
微報德尙知務人爲萬物靈而可忘孺慕遠遊戀春暉  
歸期慎毋誤

過柘溪謁業師劉介石明經不值

研朱親口授陳編同學惟余最少年繡譜金針勞早度

名經衣鉢喜相傳

師嘉慶甲戌館余家塾補廩後丙申考取揆貢標於是年頂補

一卷

庭前珠樹花爭發閣上青藜火尙然準擬春風重晤翁  
偏慳一見情無緣

懷業師周北林明經

太極探元化濂溪握秘傳聞風宗宿學立雪憶髫年雅  
伴童兼冠吟聲誦與絃越思嚴良止養正叶蒙泉黃卷  
功無閒青雲志益堅樓爭開五鳳室喜集三鱸老健登  
壇將艱難上水船科名真有數文字總無權苦讀心仍  
醉酣眠腹自便任人唾白蠟愛我侍丹鉛瑩案分光地  
雞窗欲曙天金鍼憑暗度鐵硯宛磨穿生意常留草清

文竹閣詩

卷一

三

香遠送蓮目原耕藝圃業不廢書田八載芳規守三秋  
別緒牽停雲千里隔望月幾回圓東道誰爲主西堂定  
設筵優游懷杖屨歌詠記山川說想生公法揮看祖逸  
鞭門牆增美富引領倍纏綿

兒時讀書老屋感懷劉訥齋師

四十年前此間讀一屋書聲入五六四十年後此間宿  
往事縈心睡不熟展轉繩床重追思宵長翻恨夢來遲  
起坐挑燈復把卷依稀風景如兒時迴憶鬢齡歲八九  
擇師敦請杖藜叟吟唔咕嚕會幾時猶記依依師左右  
適時聯袂趨講庭心香獨蕤眼迴青識字晝授經一卷

賦詩有共登一築嘗言讀書須養氣性情淳厚乃根柢  
篤實發爲新輝光虛浮端鮮真經濟我輩仰之如斗山  
品高學邃難追攀亦步亦趨心嚮往偏邀函丈開笑顏  
吾師雅量有深致傲骨嶙峋貌峻厲有時獎借忽逾分  
原心無語非鼓勵人生能得幾知音一日受知猶感恩  
况復栽培匪朝夕九年風雪立程門一從辭巢歸別院  
春來每憶梁上燕邇來涕泣感山邱夢裏猶晤春風面  
今年重檢舊蝸廬呼兒仍讀舊藏書臯比猶是舊規模  
不禁對之長歎歎

過方湖飲張丈鼎臣別墅

文竹閣詩

卷一

三

一角青山月半棱蘆花兩岸挂漁罾秋聲爽發舟中笛  
星火光搖水上鐙按曲好憑風作板狂歌還借酒爲朋  
沿村又聽鱸魚賣味美江鄉慰季鷹

遊玉壺洞

蓬壺散玉種藍田古洞當推第一天怪石有靈開萬竅  
空山無主自千年路盤屈曲雲生屨響透玲瓏雪滌泉  
別有烟霞誰管領此中端合住神仙

家居漫興

丁卯橋邊住荆花發正齊漫分阮南北竊慕陸東西酒  
殘時相對詩筒或共攜一枝休別覓卽此是幽棲

夜雨

簷溜響了東譙樓夜正中酒分三徑綠人對一燈紅細  
領琴書味高參化育功郊原應雨足明日問村翁

白牡丹

喚醒繁華夢同登富貴場所難惟本色自覺有奇香春  
晚迎青帝花中作素王風光休請吟此種勝姚黃

佛手柑

分來金色手纖纖軟似兜羅玉筍尖桂月當頭曾否指  
蓮花拂座可能拈相攜掌露從今合一握香盈較昔添  
修到如來成正果朝朝摩頂讀楞嚴

文竹閣詩

卷一

三

雞冠花

碧樹如雞翠羽翮花冠鬪巧更新鮮紅盤頂上疑飛鷓  
彩結枝頭宛集蟬沐雨彈來茆店外衝雲整向竹窗前  
雄名獨得須歸養玉露金風度幾年

懷袁石可明府

宦場如夢片時醒賦就歸來不忍聽今日遨遊何處臥  
可憐天地一浮萍

文竹閣詩鈔卷二

彭澤 許 標赤城

讀唐紀

貞觀廣言路。諫議授魏徵。偶讀晉漸書。不愧人鑑稱。乃願爲良臣。不欲爲忠臣。樂處稷契遇。耻爲龍比身。忠者臣之直。良者臣之純。忠良貫爲一。始克稱完人。趨吉而避凶。未免駁不醇。

政事出宮闈。賢人思解組。國老如狄公。胡然佐女主。太子遷房陵。兩翼折鸚鵡。占夢寓箴規。反覆思救補。階下語從容。匡復心彌苦。赤手挽狂瀾。強李抑諸武。社稷還文竹閣詩 卷二

唐家無慚公室輔

憑弔張睢陽。誰憐太守許。同心守孤城。先後死節苦。當其致洛陽。幾爲受降虜。偃師得捐軀。忠義高千古。我懷太守賢。六萬石積貯。使不分其半。何致飢且瘡。賀蘭不足恨。獨恨號王巨。

隱則臥歸山。出則勲銘鼎。異哉李鄴侯。或出亦或隱。謂不得而臣。居然袍衣錦。謂不得而友。有時對榻寢。底事不可留。功高思召覺。絕粒學神仙。軒軒丰骨峻。翻笑嚴子陵。知退不知進。

富貴至將相。壽考近期頤。二者難兼得。惟有郭子儀。功

高蓋一世。權重震一時。民情卻不擾。君心亦不疑。閨房  
奚足責。聊復學龔癩。福澤何其厚。知遇際昌期。

### 岳忠武硯

將軍封侯。署卽墨銘心。持堅並守白。不磷不淄。慰平生  
相期。蘊蓄圭璋德。其色潤而紫。其體方而長。記者謝枋  
得銘者。文天祥淋漓大筆。何琅琅丹鉛。啟甲爭有光。我  
思文山。豈無玉帶生。胡然鐵石聯。其盟疊山亦向橋。亭  
卜胡然鄭重藏。諸櫝三公異。苔本同岑爭。自濯磨垂官  
箴。鸚眼相看。不釋手。貞珉千載訂同心。書法雖分真行  
草。克踐所言天。真葆獨憐精忠。肯早鑄獄成三字。寃難  
文竹閣詩卷二

有餘年

### 秦檜蘂

奸權竊寵膺。高爵心存榮。惑肆殘虐遺址。千秋穢德彰。  
酷刑有具甚。炮烙有客告。余來自杭藩。署東偏。開射堂。  
相傳繆醜。舊府第塗炭。中原鐵鑊藏。其上廣其下。銳如  
震仰盂。今無蓋徑四尺深二尺。微縫隱約血痕赤。此物  
不知誰作。偏恰似火圍。炙大甕。邇時恨不請公入。至今

對之有餘慟粵稽古司寇五聽兼三宥民困水火中宜  
豫爲拯救胡爲嚴刑加未已投諸湯火鍛鍊死相煎太  
急痛入髓心何慘毒至於此乃或視此器若不能無議  
謂伊素習以奸聞陰謀只如岳家軍試覽史冊所紀載  
烹人之說無明文我思秦相操政柄蛇蠍其心虎狼性  
讒及忠良況庶人奚必深辨疑不信人生志節宜自立  
塵垢原難汙白璧以彼自待殊菲薄無怪天下皆歸惡  
吁嗟乎生前古鐵鑄非刑死後白鐵鑄佞臣戮辱遲速  
終不爽人可借鑑以檢身

栽蘭

文竹閣詩卷二

三

抱將仙骨下天台肯與羣芳一樣栽種好不妨當戶插  
花香莫恨到秋開小山有主心常屬細雨無聲手自培  
從此平分金粟影夜深涼月照層臺

栽蘭

漫同騷客佩奚囊階下滋培數瓣香自有春風熏小院  
不教落魄在三湘花當入座清無極人有同心味益長  
早識出塵遺繚紉一枝散得滿庭芳

苦雨歎

去歲天吳大助虐鴻雁嗷嗷靡所託殘冬積雪暮還朝  
滿目瘡痍倍寂寥今年立春逢甲子淋漓十日猶未止

雨師又挾風師來終朝高臥蓬門裏教人何處覓生涯  
江淮米貴長安市寫書乞米大是難釜甑塵封惜苑丹  
安得天下士無寒不禁浩然生長歎

望晴

年來春雨本連綿何敢搔頭輒怨天怎奈人呼庚癸急  
又兼家在水雲邊平湖戴笠難垂釣綠野扶犁正力田  
願倩封姨忙整駕過江送暖放晴烟

喜劉潤亭至

去年臘鼓曾催別今日春風又見君最喜不離真面目  
青氈圍坐細論文

文竹閣詩

卷二

四

雪波和尚索字書此卻寄

雙鳥飛上清淨界澗冷泉香別一派前身我豈石丈人  
詩僧竟下米顛拜衲衣脫卻松間挂袈裟著坐蒲團話  
不矜說法不談禪但覓銀鈎與鐵畫我聞內史興豪邁  
經書道德筆無敗山陰道士換以鵝幾如農家粟易械  
又聞懷素性貞介默坐焚香持法戒芭蕉葉上寫雲烟  
變態陸離且光怪索書學書多上人師第一氣原沉澹  
只慚近日未臨池安得揮毫一稱快三日停手荆棘生  
拂素每每發長喟寫就塗鴉字數行張屏無乃壁盡疥  
我亦不計拙與工了卻僧家一段債

春社

不擊村前鼓偏沾甕裏春日斜俱醉倒祈麥有誰人  
歲月催人急青春轉眼深女兒偏藉口今日本停鍼

雜感

數年未聽雞窗雨兩度空遊上苑春行篋惟餘詩稿富  
征衫猶帶麴塵新黃梁未熟驚殘夢青眼相看憶故人  
兀坐挑燈重把卷名山依舊苦吟身

頻年漂泊恨天吳澤國斜風細雨俱忍使東方成餓鬼  
劇憐阮籍泣窮途生難竹米干竿竟死并桐棺七尺無  
滿目流亡三嘆息廟廊誰上鄭公圖

文竹閣詩

卷二

五

人海茫茫不易過每從平地起鴻波蛛牽密網圍蜂國  
鳩逞雄姿奪鵲窠誰似高山盤石穩可憐弱柳受風多  
嘉禾欲植須鋤莠赤手何時假斧柯

鼠輩洶洶尚未休蜂騰北越又東甌書傳徵調烽馳火  
鬼哭關山血滿邱到處兵戎驚草木願移風雨掃虵蟻  
偏勞聖主憂勤甚日望鏡歌馬上謳

夢張蘭坡孝廉

不知身已歿談笑尙如生魂豈來元伯腸真斷巨卿停  
雲千里意落月五更情顏色依稀在寒楓夜有聲

憶菊

我本彭澤人高風慕五柳植松在庭前種菊向園後憶  
昔南園中菊茂齊戶牖白賽玉天仙黃勝金絲紐紅紫  
各芬芳錦心雜繡口分類記排籤關情如二酉近年逐  
輪蹄南北事奔走百本任飄零未付園丁守三徑忽就  
荒佳種十失九讀罷窺南園歎息徒搔首猶具養花心  
誰是種花手

鶴軒弟移居

海燕雙棲穩緣何別覓巢蝸廬嫌狹隘生計缺錢刀門  
戶依人立艱難愧爾勞九憐小兒女耕織亦親操

春居雜詠

文竹閣詩

卷二

六

僕僕風塵兩載餘今年差不負居諸新詩吟罷中懷暢  
信手閒探架上書

雪窗帖未展時晴有客求書庶右銘我亦興酣隨落筆  
不會經意揚黃庭

蕭齋靜日閉柴門倉猝愁聞剝啄聲不是偷閒長謝客  
故人以外懶逢迎

小樓慣喜坐宵深一點青燈伴苦吟睡到東窗紅日起  
算來仍不負香衾

晨興睡眼尙矇矓束帶開門望魯峰佇立量晴兼較雨

關心余更切春農

渡頭雨歇午晴初綠滿芳塘水一渠怪底兒童不解事  
持竿竟釣放生魚

門前柳幕綠陰低鳥向林間盡日啼金蒜囑教和雨捲  
一雙燕子正銜泥

幾回兩腕識風生雪乳分香洗宿醒莫道村居滋味淡  
在山泉比出山清

壬寅二月念三夜夢懷黃壺舟師得蟣蝨功名老  
更輕之句因次第續之

服官時已欲歸耕公官零都時有句云安得春風送我歸蟣蝨功名老更

輕萬里關河經跋涉五年踪跡未分明懸知眼界空三

文竹閣詩卷二

高不識頭顱白幾莖我欲春風重晤對海天遙隔暮雲  
橫

五夜雞鳴蝶夢驚池塘草色綠盈盈鶻鴒心事恩原重  
謂琴樵先生蟣蝨功名老更輕仗劍把杯飛逸興登山臨水

有同聲行行愧未吟鞭執空轉柔腸別緒縈

天涯定有故鄉情可記天台舊姓名初晉謁公詢余字駭然曰赤城吾鄉

天台山名也子笑我前身住仙境與公今日訂詩盟鷄

殆有夙契耶蟲得失爭應息蟣蝨功名老更輕漢壘秦關遊興永應

無書札寄公卿

歲月駸駸轉眼更潯陽杯酒記同傾連床風雨分師弟

一瓣心香抵父兄慚愧春官虛兩次驚回午夢悟三生  
吟魂隱約通消息蟣蝨功名老更輕

寒食夜

今宵過冷節天尚剩餘寒細雨和風響孤燈待漏殘所  
慚猶火食借陸句頓覺怯衣單貸米貂裘典長安客况難

清明

風光春欲暮天氣雨如絲父老堤墳罷人家浸種時所  
思惟遠道未祭有餘悲又是清明過深慚子職虧

懷皖江劉悌堂陳文圃兩孝廉

出山常懼風塵老入山又覺風塵好入山膠漆少陳雷

支竹閣詩

卷二

八

出山邂逅多郊島去年風雪碭山阿二君買楫渡黃河

一笑相逢如舊識聯鑣對酒酣高歌歌聲不斷長安道

奚囊載滿雲山稿浩氣長存天地間擬入京華付梨棗

人事升沈那得知孫山俱落淚如絲劉蕢未卜天荒破

季子過歸面目顰元還南時君尙北鳥語哥哥行不得

行雖不得知必行惆悵天涯無消息近聞皖江水接河

平地陡漲十丈被江淮米價貴無比未知近况又如何

梯堂自詡便放憤向硯田種五穀可會復理舊生涯

藜閣傳經勤夜讀文圃豪邁性不羈迢迢南北任奔馳

定有才人著青眼賞春不乏買山貲兩人踪跡或同異

天公自有巧安置卻緣舊日訂同心不忍今年各異地  
後會明知轉盼間離愁隱隱未全刪偶上江亭開望眼  
暮雲遙隔皖公山

夢汪芝山

蒼茫塵海埋頭久風月生涯詩畫酒取貌子羽雖不颺  
論才長吉堪爲友芸窗幾日正相思思君夢裏忽見之  
見君鬚鬢白如絲握手交談少許時旋報蒼山老友招  
招君同鼓溲江橈揖別忽忽夢忽醒綠波春草更魂銷  
懷楊藕塘明府

宦海實危哉波濤滾滾來天高舟不繫風急帆難回魚  
文竹閣詩 卷二 九

驚爭吞吐蛟龍莫挽推淒淒聞兩岸猿鶴亦銜哀  
推愛恩周弟承歡祿養親此心真孝子如水卽忠臣結  
局偏逢厄多文不濟貧兩棺蕭寺寄何日得歸閑

與堅庭兄夜話

微風來淨几白月照空林對此一尊酒高談千古文  
章商舊業桃李養新陰共有耽書癖其中樂可尋

遊福惠庵贈項馭卿兼柬雪波上人

廬江帳設幾經年移向栴檀別有天對佛前身堪證果  
與僧鎮日好談禪摩崖合悟三生石咒鉢頻開十丈蓮  
遣興詩筒兼酒棧深山小住作神仙

懷人詩

冷宦藤廳久耐貧，蓬壺欣集竹林春。平生結納無虛假，早識廬山面目真。  
蔡鼎臣給諫

老大馮唐志益堅，琴琴參宓子繼前賢。他年倘過江南路，定有歌聲託管絃。  
萬龍峯大令

直上青雲住木天，還攜高弟作神仙。果然衣鉢傳來的，佳話行將入簡編。  
萬藕船少宰

選佛班曾玉筍聯，閩湖遊徧賦歸田。愛將書譜從頭讀，為我重臨墨尚鮮。  
李東竹觀察

清華籍入玉堂仙，穩坐蓬山不計年。獻賦記會留妙墨，文竹閣詩卷二

前身應是李青蓮。  
李晴川少宗伯

仙骨珊珊瘦有神，文章大雅仰扶輪。養生自著刀圭握，那甫維摩是病身。  
張蓮舫大令

知君肝膽重交遊，同住京華意氣投。記得去年深惜別，攀條送我出通州。  
雷竹虛大令

十年辛苦住長安，才傍綸扉博一官。卻憶直廬深夜永，貂裘乍典怯春寒。  
彭霽帆中翰

樹人消息近如何，酒債還稀字債多。鎮日黃庭經細寫，可曾換得一顰鵝。  
高樹人大令

燕山翦燭記銜杯，悵望西樓月幾回。宦海波平清似鏡，

一帆行待順風開

張鳳友大令

高車駟馬到蓬萊叙別官橋酒一杯最是故鄉情意重

日邊頻寄鯉書來

項小瀛刺史

幾載江城笑語親薊門握手憶前因緇衣席帽燕臺別

青眼相看更幾人

李南生孝廉

韻香樓畔罷沈吟剩有相思一片心此日粧臺添畫筆

春山眉月寄情深

蔡鼎盒編修

六街遊徧不停驂盡日沈沈酒與酣覓得醉鄉何處是

雪泥鴻爪印湘南

劉寅生孝廉

年年三月集蘭亭裙屐山陰幾度經自是淵源家學遠

文竹閣詩

卷二

十一

一枝妙筆肖黃庭

王柳岳比部

塵衫未脫滯行踪慷慨高歌興尙濃秀色九江真攬結

移家挈眷住廬峰

曹繩莽大令

走馬聯鑣結四鄰惟君捧檄出風塵杏花攜向河陽種

可記旗亭舊酒人

馮俊民大令

千古風流杜牧之蒼蒼兩鬢倍情癡病中懷抱無由散

猶喚紅兒對酒卮

杜敬門孝廉

懶彈長鈇傍槐街合買歸舟聚北淮行到中途行不得

勸君小住卽爲佳

李一山大令

生平淡泊懶逢迎老友憐君劇有情莫說立錐無寸土

硯田一片好歸耕

彭志齋廣文

彭郎冰雪淨聰明

行篋曾看手莫停今日名山應苦讀

半窗風雨一燈青

彭波臣大令

安道才原第一流

江右直北記同遊

別經日久情常戀

準擬乘舟學子猷

戴鶴潭孝廉

譜訂金蘭舊弟兄

舟回淮上結鷗盟

馬當一別無消息

浩嶺方湖月共明

周琴叔孝廉

話別都門唱渭城

湘南返棹記行程

邇來聞入蠶叢道

只恐崎嶇不易行

梅湘帆明經

鏖戰詞壇舊有名

問年我愧訂同庚

文章豈少新花樣

文竹閣詩

卷二

十一

奪命空傳月旦評

歐陽九雪拔萃

最愛芙蓉出水時

香生閣上苦吟詩

驚才絕艷真無敵

那不逢人說項斯

項甸民拔萃

渡柘林遇雨

一水界方湖歸舟隔岸呼

斜風侵蕩笠亂雨薰菰蒲

屈曲藏漁艇盤桓託釣徒

登程還自笑未免辱泥塗

插秧詞

叱犢欣逢雨一犁

兒童赤腳踏香泥

武昌遺製誇秧馬

好向東坡借舊題

歷擔新秧幾輩挑

鞠躬頰首壯顏銷先生歸去將農勸

此際休言懶折腰

舊例田家派得清一人一畝課工程微禽也解催耕急  
早晚江村不惜聲  
雨歇芳田送晚涼森森綠意映斜陽柴門最喜臨烟水  
轉眼荷風送稻香

重過福惠庵訪項馭卿並雪波上人

東坡佛印兩仙才笑傲林泉絕點埃有句探驪爭嘯咏  
此身如燕又飛來談經幻悟南華夢列座歡傾北海杯  
真得浮生閒半日還期竹院爲頻開

過鶴軒弟新居

文竹閣詩

卷二

三

不是關情甚何人愁  
從頭詢近况小立愛閒居屋

角山千疊門前水一渠流連行且住話到月來初

夏五登旋螺山展祖墓感賦

滿地蒼苔覆墓門豐碑未表志猶存記從駒齒聞親語  
待錫龍章紀聖恩麥飯一盂澆午節春官兩度愧文孫  
蹉跎身世徒增感未稔何時慰九原

過三槐軒東銜芝銜林昆季

幾年離別意一叙更相親零落傷前輩艱難惜後人殊  
多今昔感偏覺性情真各願營生計無爲自在身

陶潭山庄留別

頽垣半壁枕荒邱萬綠浮空屋角稠此地淳風追上古  
出江淼水接東流山川形勢今猶昔風雨淒涼暑若秋  
我有先人廬墓在徘徊欲去又勾留

舟泊香口卽目

昔年塵市最喧囂今日重經太寂寥早識天吳頻助虐  
水痕深淺界牆腰

呼庚呼癸聽沿河老弱聲聲喚奈何散步街頭心更惻  
居民俱是病維摩

鱗魚尺半競分甘小飲觥船興覺酣醉臥蓬窗天色晚  
果饒風味是江南

又竹閣詩卷二

西

渡江詞

巨浪高如山扁舟輕一葉逆浪橫舟來小孤如相接  
前年膽猶大今年膽愈小同是寄萍身自笑江湖老

中秋得月和堅庭兄原韻

高詠良宵桂魄秋羅雲縠霧一齊收團樂何處看明月  
啓閣同登最上頭

漫同宋玉慣悲秋皓月當空爛不收有酒更須拚一醉  
西樓語到五更頭

謝可臣同年過訪

鎮日南樓坐深山客到稀君來偏不意我正欲相依鷄

黍慚田舍盤桓憶 帝畿行旌留小住 兩雪影霏霏

汪芝山過訪出示詩稿書後

記昔春夢中見君鬚髮白 今君乘興來果覩蒼蒼色 一別六七年邈難尋 行跡問君何所爲 長作天涯客 有時交奇士 高談風雨夕 有時觀奇蹟 摩挲蒼苔石 一行與一止 莫不於詩寄浣薇 一讀之雅人自深致

哭樹兒

竟有三生孽 頻教受折磨 愁難消 北海淚 又灑西河少 小鍾情甚摧殘 觸恨多 夢回何太短 惆悵對山阿

豈不知天命難忘 最是情兩年 頻繞膝 一病竟無名 憶文竹閣詩 卷二

五

爾形神慧添余太 息聲輪迴如可卜 定要乞長生

癸卯初春飲彭霽帆宅

新歲看山色 縱橫綠到門 時禽啼屋角 田犬吠牆根 竹密風生座 梅開雪滿村 多情惟舊雨 翦韭削芳尊

遊小孤山依計蓮峰茂才韻

浪跡江湖幾度秋 故山翻悔少勾留 欣逢陶令開三徑 喜與林宗駕小舟 鴨綠螺青餘暮景 水光山色豁吟眸 凭欄欲擲驚天句 無奈前人筆底收

百尺元龍意 豪淋漓瀝墨 疾揮毫已同鼓櫂 遊三島

更欲凌波釣六鼇 秀峭遠標彭蠡澤 文瀾直接海門濤

浣薇頓惹詩情動忘卻陽春調最高

孤峰約畧與君論傲骨嶙峋一柱尊瘦到渾身都是石  
飛來獨立詎無根最難風月談今夕絕好江山是故園  
何必雲中揔五老彭郎相對可忘言

著腳梳亭最上頭江南江北望中收天開竒崛宜巢鶴  
人有閒情共狎鷗擊鉢好同吟飯顆舉杯還欲醉糟邱  
芒鞋竹杖休拋卻留與他年汗漫遊

周芥舟過訪

二十年前友驅車得得來山尊藏有酒不厭再三開  
貨殖編司馬艱難依舊貧苦吟頭欲白天派作詩人

文竹閣詩

卷二

六

近歲遷東郭歸來聚故鄉獨憐鴻斷影秋色太淒涼  
莫道身無著才名一卷留還期鐫合稿花萼並千秋

輓周雙峩明經三十韻

天上文星墜山中大樹傾追隨虛北面惆悵出東城家  
世宗儒業雄才振舊聲眼高天地小筆落鬼神驚杼藻  
翁抽乙陳經拜釋庚少年才卓犖塵戰氣縱橫五鳳樓  
頻造三鱣席偶呈春風薰滿座化雨沛羣英久握蘭臺  
秘宜分竹帛榮策原儕賈董賦擬獻都京抱玉空投楚  
瞻韓未識荆蒼茫天莫問抑塞命難爭白首傷前事青  
雲讓後生升沈隨境遇湖海記行程東出江經皖南遊

岳望衡山川會履險吳楚盡知名老矣心猶壯歸來百  
又耕著書消歲月念舊樂逢迎剝啄敲蓬戶

丙申春會  
過山館

盤餐晉菜羹開尊呼酒侶題壁訂詩盟

和余與家兄東  
園壁間原韻

惜別歌三疊淹留話五更逢人猶寄傲對我不勝情浦

草千重碧江雲四望平相思懷耿耿永訣淚盈盈此道

興廢斯文喪老成尺書誰遺鯉一慟感騎鯨悵盼寒

楓樹愁看宿草莖遺編徵實學歿世聽公評劍躍龍身

化魂歸蝶夢縈深宵疑再見月色照階楹

### 入哀

里中茂才張君庚麟袁君模聖馮君沛恩何君

### 文竹閣詩卷二

七

維熊朱君策先陶君之傑汪君若洋劉君冕俱

先後下世詩以誌痛

幾輩凌雲志未灰擬將攜手到蓬萊何期地下修文急

徵盡人間奪錦才天道難論殊眇漠斯文如此慨衰頽

鄉關同調今餘幾灑淚濡毫賦八哀

### 聞布穀

薄曉東臬立黃雲一望平村農應早起有鳥正催耕

### 哭高韻珊孝廉

誤落塵寰四十年匆匆一夢小遊仙聰明自古難消福

摧折無情欲問天把臂相看會幾日驚心此別隔重泉

人生修短真難測，悔未江城夜楊柳。

記昔長安共卜居，淮河返棹又聯裾。人於老友交彌淡，心是相知久不疎。旅館同看千里月，歸裝重載一船書。而今回首都陳迹，愁對江天落照餘。

檢點書厨欲續香，買春曾記費商量。誰知伯道頭將白，僅得文姬口尚黃。卷列牙籤空插架，詩遺古錦孰收囊。更憐苦席孀閨冷，風雨殘春哭斷腸。

至孝由來本性成，情殷捧檄學毛生。何期一職名虛記，翻使雙親淚忽傾。丹甌塵封誰負米，黃壚酒熟獨吞聲。他年化鶴歸華表，應對東風訴不平。

文竹閣詩

卷二

十一

懷堅庭兄客湖南

華髮蕭蕭久客遊，多情定爲故人留。夢魂可戀家千里，詩酒應饒月一樓。衡岳有時開望眼，湘江何日駕歸舟。乾坤飄泊風塵老，獨立斜陽起暮愁。

潯城晤曹皖生明經

與子結交久，春風笑語陪。忽經三載別，又喜一帆來。潯水波光濶，廬峯秀色開。湖山如此好，奚事戀燕臺。

訪彭波臣同年

沿堤楊柳色青青，繫打江城日欲曛。出郭我方尋舊雨，倚門君正望慈雲。爭論近况情原摯，回憶前期手各分。

底事旗亭開酒琰遊人慚愧杜司勳

余湛軒先生招飲

一晤春風笑解顏堂開畫錦面廬山談聽元老心猶壯

話到才人淚欲潛

謂七友張蘭坡

後輩升沈增感慨暮年詩賦

動江關

借杜句

叨陪願借樽前酒轉祝松齡百歲間

訪會玉儕秀才

甘棠湖上蠹亭臺窗榻玲瓏面面開我對江天憑一眺

此身如入小蓬萊

仙人性本好樓居樓上經藏萬帙餘羨煞娜嬛真福地

清閒最好讀奇書

文竹閣詩

卷二

九

送彭霽帆中翰之漢江

作客向何方飛帆指漢陽江會經九派夢已到三湘舊

雨交情重扁舟驛路長好山兼好水一一貯詩囊

別呂鏡人孝廉

同作天涯客相逢在半途風霜虧閱歷容貌惜清癯我

正來湓浦君偏返故廬相看兩無語揮手一踟躕

連城兄五十初度招飲

丁卯橋邊老屋前林深地僻境疑仙閒情雅寄三弓地

樂趣偏饒小有天慣品茶經消永日頻調藥鼎養還年

何須更覓長生訣釀就延齡酒十年

正值孤懸半百長弟昆同醉一家春翻驚歲月如流水  
忽覺鬢眉是老人君賦閒居娛嘯咏我存壯志仗精神  
頻年奔走長安道那及園林自在身

喜王柳坪北闈領薦賦此卻寄

香分貢樹記丁年青瑣旋看玉笋聯早識魚龍終變化  
果真鴻鵠必騰騫經當手捧情原重人是心知喜欲顛  
又作狄公門弟子

君爲滇生師選拔士癸卯  
順天又係滇生師主試

春官桃李

定爭妍

題周芥舟小均堂詩鈔

周郎才大心傾久著作庭開手再披老去漸於詩律細

文竹閣詩

卷二

三

杜陵風骨幾人知

潦倒風塵數十年浪遊曾賦小游仙邇來歸隱孤山外  
咳唾猶疑落九天

莫笑高陽舊酒徒醉中天地小匏壺銜杯自寫顛狂趣  
一任旁人說苑枯

聽雨連牀互唱酬一家兄弟最工愁坡仙已去休惆悵  
坐鎮詞壇仗子由

促織吟

唧唧復唧唧如聞子女當窗織機絲宛轉牽愁緒迸入  
秋聲助嘆息攪人竟夕不能眠一輪明月照牀前

覽鏡

偶然相對忽驚疑，潦倒風塵不自知。迴憶少年曾幾日，  
竟從湖海換鬚眉。

驛柳用王漁洋秋柳韻

旗亭話別黯離魂，漠漠垂楊綠到門。羌笛不須風寫怨，  
塵衫猶見酒留痕。烟飛馬走堤邊路，日落鴉啼郭外村。  
飛絮飄萍真一瞥，客中心緒向誰論。

幾樹飄搖飽肅霜，東風吹影入池塘。陰迷官道絲垂幄，  
花撲行旌雪滿箱。亭子勞勞空憶白，丰神濯濯久推王。  
攀條此地堪持贈，休問人間碎錦坊。

文竹閣詩

卷二

王

十年塵未拂征衣，歸去重來悔昨非。偶觸離情憐客久，  
長垂青眼似君稀。三春雨雪鴻泥印，千里關山羽檄飛。  
好向郵程尋舊約，此心敢與故人違。

關心迎送見猶憐，帽影鞭絲帶晚烟。繫馬何人爭喚渡，  
聽鶯幾日又飛綿。愁牽別緒驚中歲，瘦指纖腰惜去年。  
悵望鄉山雲縹緲，不堪回憶畫橋邊。

秋柳用張船山驛柳韻

疎影條條映晚晴，春歸曾記笑相迎。條驚暮雨生秋氣，  
忍聽西風落葉聲。入夜誰家吹玉笛，撫時有客感金城。  
年華我惜輕拋擲，飛絮空過細柳營。

潦倒何時一振衣形容瘦損減腰圍重翻舊曲難銷怨  
太息征人尙未歸蟬曳殘聲寒惜別烏啼淡月夜還飛  
傷心最是尋巢燕誤認長條似可依命前詩未三  
風景何心問洛陽三眠還憶黑甜鄉可憐灞岸千絲雨  
不柰隋堤一夜霜憔悴頰添遊子恨顛狂深悔少年場  
相逢縱有南飛雁莫寄池邊字幾行命前詩未三  
輕烟幾點散齊州渺渺予懷自寫愁攀折有人猶贈別  
飄零何處覓封侯生涯易觸榮枯感旅館頻驚歲月流  
撫樹從來多嘆息非關宋玉慣悲秋

題畫

文竹閣詩

卷二

三

畫工落想最離奇春華秋實思兼施胸中邱壑藏無數  
眼底烟雲隨筆之石笏千重排絕巖濃陰十畝環松枝  
天矯虬龍騰峭壁青蒼潑墨何淋漓巖前紫芝含三秀  
花開浥露流丹脂夜闌天香染衣袖酒酣國色迎朝曦  
惹我名心艷富貴姚黃魏紫爭芳姿卻愛喬柯青不改  
孤高獨秀歲寒時濃淡設色有深思令我妙筆懷徐熙

猛虎行

驅車過山城聞虎夜攫人爪牙戕兩命前後未三句人  
命一何苦虎心一何毒死者俱含冤生者向誰訴慘絕  
意態雄誰敢攫其鋒俛首投羅網拘繫詎寬容想茲惡

獸狡原期殲戮早，倘卽執法誅落魄，猶含笑入彼穴探。  
厥子餓其體，飢欲死斯時，淚不止悔之殊晚矣。

雪獅子

物象摹難肖，童心巧更奇。有情乘玉戲，無意逐冰嬉。  
凍結河東候，雲飛陸北時。名原稱白澤，品早重丹墀。  
信是銀釐化，休將管豹窺。塵埃真不染，顧盼倍生姿。  
精氣凌空結，餘威特地施。瞳疑臨寶鏡，乳合貯玻璃。  
豈受泥塗困，應難錦絡羈。齒牙都皎皎，毛髮亦彤彤。  
虎原同切雲，羊許並馳沙。門光縹緲，石柱影參差。  
雷憶春前吼，風從耳後披。會當騰駿足，躍去趁晴曦。

文竹閑詩卷二

枯樹

西風挫折空留榦，春日從旁見一枝。寄語蘭成休感慨，  
枯楊也有發穉時。

食蠨十二韻

蕎麥花開豔夕陽，西風稻熟晚秋涼。一燈隔岸明漁火，  
幾葦登盤佐酒觴。入簞躡躡猶吐沫，爬沙郭索競輸芒。  
寄居蟻結依他族，奉使江湖訪故鄉。蒲葦光陰纔解縛，  
尖團嗜好未能忘。雙螯何苦森如戟，大嚼翻嫌戴有匡。  
懶宦錢昆成癖愛，酣眠畢卓喜新嘗。臍肥湯鼎鮮堪試，  
骨醉糟邱味益長。伴菊蘇蘇寒剝紫，和橙漉漉美含黃。

清饑偏在雞豚外珍品應尋水澤旁壯士閒愁消磊落  
都亭舊夢太荒唐願教月夕頻招飲左手爭持指染香  
無題

花事關情按譜鈔名園深鎖隔簾敲芳心乍展芭蕉葉  
春意初含荳蔻梢一種纏綿蛛結網幾番來去燕尋巢  
分明認得桃源路重到天台舊夢拋

脈脈情懷不自由相將攜手踏青遊萬條楊柳頻牽恨  
一曲琵琶合寫愁細麝名香薰枕竅斜窺新月挂簾鉤  
何當射覆紅燈下集飲連番遞酒籌

清狂誰是杜司勳一座頻驚喚紫雲落拓天涯應惜我  
文竹閣詩卷二

三五

飄零塵海最憐君當階芍藥迎朝旭出水芙蓉映夕曛  
自別江南無信息瀟瀟暮雨那堪聞

東風料峭弱難支囑咐金鈴好護持遠望綠波愁餞別  
空拈紅豆記相思陰成桃葉駒光換香冷蓮房蝶意癡  
底事芳時獨惆悵惜花翻悔賞花遲

殘紅淺碧繞窗紗小倚闌干瘦影斜嫁橘無緣憐杏子  
聘棠有約負梅花漫勞綺鵲填銀漢不盡游蜂鬧晚衙  
惱恨風姨太相妬拋將碎錦墮雲霞

一回相見一銷魂湘竹多愁有淚痕無限淒涼離別院  
最難消受是黃昏應知命薄憐才慧始信情深卽病根

自笑空花拈未得驚迴夢過苧蘿村

憎蠅

昔讀青蠅詩憐汝太營營今觀著蠅飛怪汝太薨薨乘  
隙鑽故紙趨炎慕羶腥託身附驥尾過耳混鷄鳴豈無  
拈豆擊擊罷仍紛騰豈無拔劍驅驅去究何曾尋香兼  
逐臭安得不生憎醜類成羽翼誅之恐不勝何由掃除  
盡竚待秋風生

燒蟲

有蟲名白鳥其爲害至小必以火攻之未免太煩躁第  
思火膏血彼取供一飽刺客心如狼潛行腳似豹一炬

文竹閣詩

卷二

五

封公麼直同赤壁燒可憐螟結巢遭劫真不料彼以吞  
噬來此以焚蕩報禍患詎無因悟斯由自召

病鶴

孤鶴巢珠樹無端抱微恙俱寒守梅邊顧影增惆悵有  
時立鷄羣紛紛爭誚讓謂不得奮飛獨作毳毼狀鶴雖  
眼高松猶存壽者相今日旱澤間明日雲霄上嗚彼棲  
峙者殊多不自量

羸駮

不遇九方歎誰識空羣馬多少不凡材沈淪冀北野倘  
其逢物色鼓車遠道駕相者爭舉肥不吝千金價柰何

嚼殘芻瘦不勝騎射躑躅困泥塗鞭扑聞叱詫嗟嗟神  
駿姿竟屈駑駘下

輓計我欲先生

遁跡方湖叟童顏古性情聰明稱雪亮議論識風生志  
潔無妨傲才高不好名卽今當沒世鄉里有公評

補詩

吟詠有真機多從山水得旣居山水間吟詠胡默默當  
境每相忘過境還相憶一一爲補亡此心師束皙

刪詩

割愛本爲難知非尤貴早我詩雜工拙並存無兩好曷

文竹閣詩

卷二

三

若芟繁蕪羣言歸斧藻請看風雅中多少叢殘稿

改詩

偶然得秀語自詡奪山綠易時輒改觀真氣苦不足一  
字須推敲琢句如琢玉洗鍊功未深終難脫凡俗

編詩

矮紙散零星憑誰辨甲乙足跡徧天涯行吟紀月日序  
次付鈔胥訂訛虞誤筆小技笑雕蟲彙集免散佚

隨他

有僕有僕桐山籍飄泊無家長寄食幼時灑掃事庭除  
稍長薪水能效力才同鷹犬何足誇督戒亦未鞭笞加

情深當不忘舊主竟乘月夜潛逃去有客痛伊負恩深  
問余底事欲追尋余笑不答心憐惜僅有隨身衣與衾  
前途誰爲歡解囊皖江無路水茫茫知爾離散家何有  
未必團欒歸故鄉或居肆上習微藝或終流落爲輿隸  
仰觀四海九州寬隨他前去尋生計

僕喜保行至前途流連欲返諸兄以既有去志不  
應收回余惜其情之愚而行之難也給以行貲  
並勗以詩

欲去不能去欲歸不得歸進退兩爲難回瞻淚滿衣悔  
之已無及茲行計本非

文竹閣詩

卷二

二十七

離家三百里故土想難忘努力登前途行李莫倉皇但  
須力按實東隅日正長

4
400

3



中央圖書館藏